

ՍՆՋՈՆԱՅԻՆ ԱՐՏԱԳՆԱՑՈՒԹՅԱՆ ՀԻՄՆԱԿԱՆ ԳՈՐԾՈՆՆԵՐԸ
ՀԱՅԿԱԿԱՆ ԽՍՀ-ՈՒՄ

(ըստ էթնոսոցիոլոգիական հետազոտության ճյուղերի)

Մ. Վ. ԳԱՍՏՅԱՆ

Այնպիսի բազմազգ երկրում, ինչպիսին Խորհրդային Միությունն է, բնակչության տեղաշարժերի ուսումնասիրության գերը մեծ է ոչ միայն ազգամիջյան հարաբերությունների կարգավորման, այլև էթնիկական տարրեր ընդհանրությունների հետազա զարգացման ու մերձեցման գործում¹։

Սեզոնային արտազնա աշխատանքը, որի հիմքում ընկած է տարվա որոշակի ժամանակաշրջանում իրենց բնակավայրից դեպի այլ տարածքներ բնակչության որոշ մասի ժամանակավոր տեղափոխությունը, ընդհանուր միգրացիոն պրոցեսի բաղկացուցիչ գործոններից է։ Այն Արևելյան Հայաստանում առավել մեծ մասշտաբներ ընդունեց XIX դ. վերջին և XX դ. սկզբին։ Այսպես, օրինակ, եթե XIX դ. կեսին Ներսիս Նազանզի տարբեր զավառներից արտազնացության մեկնողների թվաքանակն աննշան էր², ապա 1898 թ. այն հասավ մոտավորապես 20 հազարի³, իսկ 1913 թ. 50 հազարի⁴։ Գյուղացիության այսպիսի մասսայական արտազնացության հիմնական պատճառը կարիքն ու աղքատությունն էր, որը ստիպում էր բռնաբարձար դրամաբանական խոշոր քաղաքների ճանապարհը՝ ընտանիքի նյութական նվազագույն պահանջները բավարարելու համար։

Հայաստանում արտազնացության բարձր տեմպերը պահպանվեցին նաև Խորհրդային կարգերի հաստատումից հետո։ 1926 թ. արտազնացների թվաքանակը հասնում էր 65 հազար մարդու, որից 30 հազարն արտազնացության էր մեկնել նրա սահմաններից դուրս⁵։

Մեր երկրում 1950-ական թվականներից սկսած սեզոնային արտազնա աշխատանքի մեկնողների տոկոսն աճեց։ Այն ամենից առաջ պայմանավորված էր Ղազախստանի, Սիրիի, Ուրալի, Պոլշիի և այլ շրջանների խամ ու խոպան հողերի յուրացմամբ, ժամանակակից պայմաններում արտազնացությունն ակտիվորեն է ծավալվում ԽՍՀՄ ազգային մի շարք շրջաններում՝ հատկապես Անդրկովկասում և Հյուսիսային Կովկասում, որին, ոչ լրիվ տվյալներով, մասնակցում են համապատասխանաբար 100 հազար մարդ, ինչպես նաև Արևմտյան Ուկրաինայում, Բելոռուսիայում, Մոլդովիայում՝ 50 հազար մարդ և այլն⁶։ Ըստ վիճակագրական տվյալների, սեր հանրապետությունից ամեն տարի այդ պրոցեսին մասնակցում է մոտավորապես 25—30 հազար մարդ⁷։ Հայաստանի կոմկուսի կենտկոմը 1987 թ., անդրադառնալով «Հայկական ԽՍՀ-ի լեռնային և նախալեռնային շրջանների տնտեսական ու սոցիալական հետազա զարգացման միջոցառումների մասին» որոշման կատարման ընթացքին, մեկ անգամ ևս

¹ Հետազոտությունն անցկացված է 1985—1987 թթ.՝ ՀԽՍՀ ԳԱ հնագիտության և ազգագրության ինստիտուտի էթնոսոցիոլոգիայի բաժնի կողմից։ Հոգվածում օգտագործվել են նաև Հայկական ԽՍՀ տարբեր շրջաններում հեղինակի հավաքած դաշտային ազգագրական նյութերը (տե՛ս ՀԽՍՀ ԳԱ հնագիտության և ազգագրության ինստիտուտի էթնոսոցիոլոգիայի բաժնի արխիվ)։

² Сборник статистических сведений о Кавказе, отд. 3, т. 1, Тифлис, 1869, с. 49, 59, 67.

³ Обзор Эриванской губернии за 1908 г., Эривань, 1909, с. 8.

⁴ Обзор Эриванской губернии за 1913 г., Эривань, 1914, с. 15.

⁵ Экономический вестник Армении, Ереван, 1927, № 1, с. 15.

⁶ Известия, 18. IV. 1985.

⁷ Նույն տեղում, 15.IV.1986.

նշեց, որ «Արթիկի, Ախուրյանի, Կալինինոյի, Մարտունու շրջաններում շարունակում է բարձր մնալ արտադնացումայինը»⁸։

Ինչպես տեսնում ենք, սեզոնային արտադնա աշխատանքը մեր երկրում արդեն երկար տարիներ կայուն կերպով պահպանում է իր մասշտաբները։ Չնայած դրան, այն համապատասխան զիտական գրականության մեջ դեռևս ամբողջական հիմնավորում չի ստացել։ Պրոբլեմի ուսումնասիրության նման վիճակն ամենից առաջ բացատրվում է այն հանգամանքով, որ սեզոնային արտադնա աշխատանքը դեռևս տարերային պրոցես է, և այդ երևույթը բնութագրող փաստացի տվյալները բացակայում են։ Եինչ վերաբերում է սեզոնային միգրացիային, ապա այստեղ որևէ ընդհանուր վիճակագրական հաշվետվություն համարյա չի կատարվում և այդ մասին ղաղափար ենք կազմում ելնելով ժողովրդական տնտեսության ցածր ու ցրիվ տվյալներից⁹։

Այսպիսով, ժողովրդական տնտեսության մեջ արտադնա աշխատանքի տեղի և դերի, ինչպես նաև սոցիալական կյանքում նրա էությունը հետևանքների գնահատման հարցերը պահանջում են խոր և բազմազանի մոտեցում։ Երևույթի ուսումնասիրությունը ՀեՍՀ ժողովրդական տնտեսության համար ունի ինչպես տեսական, այնպես էլ գործնական նշանակություն։ Այն հնարավորություն կտա հետազայում այդ պրոցեսին հաղորդելու կարգավորված, պլանավորված բնույթ։ Դրա ամբողջական վերլուծության անհրաժեշտություն է՝ ավելի է մեծանում մեր օրերում, երբ ամբողջ Երկրում դրված են ժողովրդական տնտեսության հետագա զարգացման, աշխատանքային բնութաների ուսցիոնալ օգտագործման և մարդկային գործոնի ակտիվացման հարցերը։

Ստացված էթնոսոցիոլոգիական հետազոտության նյութերի վերլուծությունից (աղյուսակ № 1) պարզվում է, որ արտադնացների 91 % -ը 18-ից մինչև 50 և դրանից բարձր տարիքի աշխատունակ հասակի տղամարդիկ են, որոնք ընդմիջումներով տարբեր տարիների հեղել են արտադնա աշխատանքի վայրում¹⁰։

Աղյուսակ № 1

Արտադնացության ստաժն ըստ տարիքային կազմի (%-ով)

Արտադնացների տարիքային կազմը	Արտադնացության ստաժը				Հարցին զժվարացել են պատասխանել	Ընդամենը
	1—3 տարի	3—6 տարի	6—10 տարի	10-ից բարձր		
18—29	43	36	15	4	2	100
30—49	20	27	33	17	3	100
50 և ավելի բարձր	15	19	21	43	2	100
Ընդամենը	20	27	23	21	9	100

ՆՔն անցյալում, կապված ազգային ավանդույթների և ընտանիքում կանանց տեղի ու դերի գնահատման հետ, կանայք արտադնացության պրոցեսին համարյա չէին մասնակցում, ապա ժամանակակից պայմաններում նրանք երբեմն ընկերակցում են իրենց ամուսիններին

⁸ Սովետական Հայաստան, 2. IV. 1987։

⁹ Б. С. Хорев, В. И. Чапек, Проблемы изучения миграции населения (статистико-географический очерк), М., 1978, с. 38.

¹⁰ Այս և հետագա տոկոսային տվյալները հաշվարկվել են հետազոտության նյութերի հիման վրա։

(9 %): Կանանց մասնակցությունն արտադնացության պրոցեսին բացատրվում է ինչպես կայուն ընտանիք ունենալու արժեքային կողմնորոշմամբ, այնպես էլ արտադնա աշխատանքի վայրում վճարման սկզբունքով կենցաղային կարիքների բավարարման, հատկապես ազգային խոհանոցի կազմակերպման փաստով, որի կարիքն արտադնացները շատ են զգում:

Արտադնա խմբերը միջին հաշվով բաղկացած են 3-ից մինչև 6 անդամից: Դրանց կազմավորման գործում, ինչպես երևում է № 2 աղյուսակից, կարևոր դեր են կատարում գոյություն ունեցող անձամիջյան սերտ կապերի ուղորտները՝ ազգակցական և հարևանային կապեր, աշխատանքային, կոլեկտիվ, ընկերական հարաբերություններ և այլն:

Աղյուսակ № 2.

Արտադնա խմբերի կազմավորման աղբյուրները (%) -ով

Արտադնացների տարիքային կազմը	Հարազատներ	Բարեկամներ	Աշխատանքային ընկերներ	Ծանոթներ	Հարցին դժվարացել են պատասխանել	Ընդամենը
18—29	32	22	7	35	4	100
30—49	21	23	10	35	11	100
50 և ավելի բարձր	21	31	8	27	11	100
Ընդամենը	23	23	10	30	14	100

Այս խմբերից յուրաքանչյուրի կազմավորման համար գործում է յուրահատուկ մեխանիզմ, Օրինակ, հարազատներով արտադնացության մեկնող խմբերը կազմվում են ինչպես միևնույն ընտանիքի անդամներից՝ հայր, որդիներ և այլն, այնպես էլ ամուսնու կամ կնոջ հարազատներից: Սա մի կողմից միանգամից ընդլայնում է տվյալ ընտանիքի դրամական բյուջեն, մյուս կողմից՝ արտադնա աշխատանքի վայրում ազգակցական կապի մոտիկության աստիճանն ազդում է նրանց վարքի կանոնների վրա: № 2 աղյուսակից երևում է, որ հարազատներով մեկնողների հետ ամենաբարձր տոկոսը (32) կազմում են 18—29 տարեկանները: Ընդհանրապես թվարկված բոլոր խմբերի համար արտադնացության խթանման գործում կարևոր դեր են կատարում գյուղական բնակչության ընտանեկան կառուցվածքի էթնիկական առանձնահատկությունները և գյուղական շրջաններում կայուն պահպանվող մի շարք էթնիկ ավանդույթային ձևեր: Այստեղ ամենից առաջ նկատի ունենք բարդ ընտանիքը, որը գյուղական բնակչության մեջ դեռևս պահպանվում է (50 %): Այն ոչ միայն չի խանգարում, այլև նպաստում է ընտանիքից մեկ էամ նույնիսկ մի ջանի հոգու արտադնացությանը: Իսկ պարզ կառուցվածք ունեցող ընտանիքից նրա գլխավորի բացակայությանը նպաստում են գյուղական բնակչության մեջ ամուր պահպանվող ազգակցական կապերի ամբողջությունը և միմյանց նկատմամբ ցուցաբերվող փոխօգնության տարբեր ձևերը:

Անցկացված էթնոսոցիոլոգիական հետազոտության շնորհիվ հետաքրքիր նյութեր են ստացվել նաև արտադնացության շրջապատճանների վերաբերյալ: Այն առաջին հերթին կապված է անհատի անձնական ջահերի ու պահանջմունքների հետ և ունի օբյեկտիվ պայմանավորվածություն: Այդ են վկայում № 3 աղյուսակի տվյալները:

Աղյուսակ № 3

Արտադնացության գրգռապատճառներն ըստ տարիքային կազմի (%)

Արտադնաց- ների տարի- քային կազմը	Տեղում համապա- տասխան աշխա- տանքի բացակա- ստիվությունը	Արտադնա աշխա- տանքի վայրում հնարավորությու- նը կառուցելի բարձր աշխատավարձ ստանալ	Դրամ է հար- կավոր մեծ ծախսերի համար	Այլ պատ- ճառներ	Ընդամենը
18—29	29	41	18	12	100
30—49	30	36	24	10	100
50 և ավելի բարձր	29	40	23	8	100
Ընդամենը	30	43	18	9	100

Ինչպես կարելի է գտնել № 3 աղյուսակից, արտադնացության առավել խթանիչ գրգռ-
պատճառն արտադնա աշխատանքի վայրում ավելի բարձր աշխատավարձ ստանալն է (43 %):
Այսպիսի պատասխանն ունի իր ունակ հիմքերը: Այն առավել ցայտուն է երևում, երբ համե-
մատում ենք տեղում և արտադնա աշխատանքի վայրում նրանց ստացած եկամուտները:

Աղյուսակ № 4

Միջին ամսական աշխատավարձը տեղում և արտադնա աշխատանքի վայրում (%)

Աշխատավարձի չա- փը (առաքիններով)	Տեղում	Արտադնա աշ- խատանքի վայրում
81— 100	21	—
101— 150	40	—
151— 200	30	—
201— 250	7	—
251— 300	1	—
301— 400	1	—
401— 500	—	20
500—1000	—	48
1000-ից բարձր	—	24

Բացի աշխատավարձից, գյուղական բնակչության ընտանիքի եկամուտները ձևավորվում են նաև անձնական օժանդակ տնտեսությունից (13 %), Բայց պետք է նշել, որ ստացած եկամուտները չեն բավարարում գյուղական բնակչության բաղման դամ ընտանիքի հարաճուն պահանջմունքները (1979 թ. մարդահամարի տվյալներով ՀԽՍՀ գյուղական բնակչության ընտանիքի միջին չափը կազմել է 5,2 մարդ)¹¹, Մինչդեռ գրությունն արտագնա աշխատանքի վայրում այլ է, Արտագնացներն առավելագույն եկամուտը գնահատելով առավելագույն աշխատանքով¹², 5—7 ամսվա ընթացքում վաստակում են 6—8, նույնիսկ 10 հազար ռուբլի, Տարվա ընթացքում ամսական միջին աշխատավարձը կազմում է 400—800 ռ., որը մի քանի անգամ ավելի է 1984 թ. ՀԽՍՀ ժողովրդական տնտեսության մեջ զբաղված յուրաքանչյուր աշխատողի և ծառայողի միջին ամսական աշխատավարձից (177 ռ.)¹³,

Արտագնացներն այսպիսի բարձր աշխատավարձը վաստակում են ինտենսիվ ու ծանրաբեռնված աշխատանքային գրաֆիկի շնորհիվ, Բացի այդ, տուշնորգվելով աշխատանքի կազմակերպման բրիգադային կապալի և աշխատավարձի վճարման գործավարձային սկզբունքներով, արտագնացները կատարում են տիպային պայմանագրով նախատեսվող օբյեկտի հանձնման ժամկետները և ստանում 40 % հավելյալ վարձատրություն (մի բան, որը ՀԽՍՀ-ում չի կիրառվում): Բարձր աշխատավարձը պայմանավորված է նաև նրանով, որ արտագնացներն ընտրողական վերաբերմունք ունեն ԽՍՀՄ այն շրջանների նկատմամբ, որտեղ զգացվում է աշխատանքային ռեսուրսների խիստ պակաս: Դա նրանց հնարավորություն է տալիս իրենց աշխատուժը կիրառել ժողովրդական տնտեսության ցանկացած բնագավառում, Ըստ հետազոտության արդյունքների, այդպիսին են ՌԽՖՍՀ հյուսիսային և արևելյան շրջանները, որ մեկնում են արտագնացների 88 %-ը և Ղազախական ԽՍՀ-ն՝ (6 %)-ը և այլն:

Արտագնացները, լինելով բարձր որակավորում ունեցող ոչ ընդունաբերալ (շինարար, ծեփագործ, հյուսն, առաղձագործ և այլն) և ինդուստրիալ (մեխանիկատոր, ավտովարորդ, խառատ և այլն) բնագավառի աշխատողներ (աղյուսակ № 5), հիմնականում ընդգրկվում են

Աղյուսակ № 5

Արտագնացների սոցիալ-մասնագիտական կազմն ըստ տարիքի (%-ով)

Այլ տաղանցներ տարբերակ կազմը	Ոչ բնագնացներ ֆիզիկական աշխատանք կատարողներ	Ոչ բնագնացներ ֆիզիկական աշխատանք կատարողներ	Ինդուստրիալ տնտեսության արտադրողական տնտեսության արտադրողներ	Մասնագիտություն	Բարձր որակավորում ունեցող մասնագիտական տնտեսության արտադրողներ	Հարմար զբաղմունք պատասխանելու	Ընդամենը
18—29	2	39	38	9	8	3	100
30—49	9	50	26	0	3	2	100
50 և ավելի բարձր	7	61	29	—	—	3	100
Ընդամենը	6	47	29	7	3	3	100

¹¹ Население СССР, население Армянской ССР, по данным Всесоюзной переписи населения 1979 года, Ереван, 1980, с. 33.

¹² Экономика и организация промышленного производства, 1986, № 3, с. 8.

¹³ Народное хозяйство АрмССР, в 1984 г., Ереван, 1985, с. 193.

շինարարական բնույթի աշխատանքներում, որտեղ աշխատավարձը ժողովրդական տնտեսության մյուս բնագավառների համեմատությամբ ավելի բարձր է: Արտադնացության ընթացքում նրանք ձեռք են բերում մի քանի նոր մասնագիտություններ և տեղի շինարարների հետ համեմատած կառուցում են 2—3 անգամ արագ¹⁴:

Արտադնա աշխատանքի մեկնելու մյուս կարևոր դրդապատճառը (30 %) տեղում համապատասխան աշխատանքի բացակայությունն է: Այս հարցը հատկապես սուր է դրված ՀեՍՀ լեռնային և նախալեռնային շրջաններում, որտեղ աշխատանքային տեղերի և աշխատանքի կիրառման ոլորտների բացակայության պայմաններում այնքան էլ հեշտ չէ մասնագիտությանը համապատասխան աշխատանք գտնել: Որքան էլ հակասական է, դա առաջին հերթին կապված է գյուղատնտեսական աշխատանքների մեքենայացման և ինդուստրացման պրոցեսի հետ, որի հետևանքով աշխատունակ բնակչության որոշ մասը դուրս է մղվում այդ, բնագավառից: Այսպես, օրինակ, Արթիկի շրջանի Փանիկ գյուղում գյուղխորհրդի ենթակայության տարածքում 1985 թ. մշտական աշխատանք ունեւր աշխատունակ տղամարդկանց միայն 13 %-ը: Նման պայմանների հետևանքով այդ գյուղի աշխատունակ հասակի տղամարդկանց 22 %-ը համարյա ամեն տարի մեկնում է արտադնա աշխատանքի: Լեռնային և նախալեռնային շրջաններում գյուղատնտեսության բնագավառում ընդգրկված բնակչության լրիվ զբաղվածության վրա իրենց ազդեցությունն են թողնում նաև բնակչության ղեկավարին պայմանները: Դրանք գյուղատնտեսական աշխատանքներին հաղորդում են խիստ սեզոնային բնույթ, որն առավել ցայտուն է դրսևորվում հողագործության մեջ (այստեղ յուրաքանչյուր աշխատողի զբաղվածությունը տարեկան կազմում է 150 օր)¹⁵: Այդ աշխատանքային ռեսուրսների օգտագործումն ունի նաև որոշ առանձնահատկություններ. դրանք տարվա ընթացքում օգտագործվում են ոչ հավասարաչափ՝ առավել ինտենսիվ ամառային շրջանում և ոչ լրիվ՝ ձմռանը¹⁶:

Արտադնացների որոշ մասը (18 %) արտադնացության մեկնում են տեղում մեծ ծախսերի համար փող ձեռք բերելու նպատակով: Այդ ծախսերի զգալի մասը, ինչպես երևում է № 6 աղյուսակից, ունեն ազգային ավանդական բնութագրեր (օրինակ՝ բնակարանի կառուցում):

Աղյուսակ № 6:

Բնակարանի կառուցման համար ծախսեր (%-ով)

Արտադնացների տարիքային կազմը	Ում համար է կառուցում բնակարան			Հաբցին դրժվարացել են պատասխանել	Ընդամենը
	Իր	որդու	դստեր		
18—29	74	9	4	13	100
30—49	41	44	2	13	100
50 և ավելի բարձր	25	58	3	14	100
Ընդամենը	46	34	3	17	100

Ինչպես կարելի է դատել № 6 աղյուսակից, հայրը արտադնա աշխատանքի վայրում վառ-

14 Известия АН СССР Сибирского отделения, серия экономики и прикладной социологии, 1986, № 7, вып. 2, с. 50.

15 Վ. Շ. Թ ո ղ մ ա ս յ ա ն, Ս. Ն. Ս ի մ ո ն յ ա ն, Աշխատութի վեհարտադրության ռեգիստրալ առանձնահատկությունները, Ծրկան, 1985, էջ 185:

16 Методологические проблемы системного изучения деревни, Новосибирск, 1977, с. 206.

տակած դրամով հոգում է ոչ միայն իր, այլև իրենից բաժանվող որդիների բնակարանի կառուցման ծախսերը:

Այստեղ կարևոր դեր են կատարում գյուղական բնակչության մեջ երևույթի վերաբերյալ դարձող շարունակ գոյություն ունեցող ազգային ավանդույթի պահպանումը և հասարակական կարծիքի առկայությունը: Միաժամանակ, № 6 աղյուսակից երևում է, որ այս դրդապատճառը խոշոր դեր է կատարում 50 և ավելի բարձր տարիք ունեցող արտագնացների միգրացիոն վարքի ձևավորման գործում:

Մեր օրերում արտագնացության կարևոր խթաններից են նաև ամուսնական արարողությունների՝ հատկապես հարսանիքի, ինչպես նաև դստեր օժիտի հետ կապված ծախսերը (աղյուսակ № 7): Ժամանակակից պայմաններում այդպիսի մեծ ծախսերը մի կողմից կապված են ընտանիքի նյութական ապահովվածության աստիճանի, մյուս կողմից՝ երևույթի վերա-

Աղյուսակ № 7

Ամուսնական արարողությունների և հարսանիքի համար ծախսեր (%) -ով

Իր համար	Որդու համար	Դստեր համար	Հարցին դժվարացել են պատասխանել
29	29	21	21

բերյալ յուրաքանչյուր գյուղում ձևավորվող նոր շահանիշների հետ: Այսպիսի ծախսերն արտագնացների որոշ մասի մեջ ձեռք են բերել նոր երանգավորում: Արտագնա աշխատանքի վայրում վատտակած մեծ գումարները ճոխ հարսանեկան արարողությունների և օժիտի համար հիմք են: Սա, անշուշտ, բացասաբար է անդրադառնում բնակչության հոգեբանական մթնոլորտի և արժեքային կողմնորոշման ձևավորման վրա՝ հաճախ տեղի տալով սուրիշից հետ շմախու մրցակցության սովորություններ:

Այս բոլորի հետ միասին, ժամանակակից ուրբանիզացված գյուղի պայմաններում բնակչության սոցիալական պահանջմունքների համակարգում ընտանեկան կենցաղի մեծ հարմարավետության ապահովման ձգտումը խթանում է նման միգրացիոն վարքի ձևավորումը: Ըստ հետազոտության արդյունքների, արտագնացների 55 %-ը դրդապատճառ են համարում անձնական օգտագործման ավտոմեքենայի, իսկ 35 %-ը՝ հեղինակավոր իրերի գնումը, ինչպես նաև բնակարանի ընթացիկ վերանորոգումը և այլն:

Հարցումներից պարզվեց, որ արտագնացության այլ դրդապատճառները (9 %), կապված արտագնացների տարիքային կազմի հետ, ունեն որոշակի առանձնահատկություններ: Օրինակ, 18—29 տարեկաններն արտագնացության կարևոր խթան են համարում ճեղքաշխատանքը, իսկ 30—49 տարեկանները՝ արտագնացության մարդկանց հետ շփումը, նոր մասնագիտության ձեռքբերումը, ուսուց լեզվի իմացության խորացումը՝ արտագնա աշխատանքի վայրում բարձրագույն ուսումնական հաստատություն ընդունվելու համար, այլ միջավայրում առավել ծրագրավորված ստեղծում և այլն, իսկ 50-ից բարձրերը՝ ընտանիքի ճեղք օրվա համար դրամական եկամուտների վաստակումը և այլն:

Արտագնացությունն ունի մի շարք բարդ ու բազմաբնույթ հետևանքներ, որոնք չպետք է միանշանակ գնահատել: Օրինակ՝ ՀԽՍՀ ժողովրդական տնտեսության դիրքերից արտագնացությունն ունի բացասական հետևանքներ, քանի որ ուղեկցվում է հասարակական արտադրության պրոցեսից որակյալ աշխատուժի մի մասի հոսունությամբ, վերջինս առավել ցայտուն ձևով է դրսևորվում գյուղատնտեսության (23 %), շինարարության և տրանսպորտի բնագավառներում (19 %), (աղյուսակ № 8), որտեղ աշխատանքային առավել եռուն ժամանակաշրջանում (գարուն-աշուն) զգացվում է որակյալ աշխատանքային կադրերի մեծ պակաս (ըստ ՀԽՍՀ աշխատանքի պետական կոմիտեի տվյալների, 1984 թ. ժողովրդական տնտեսության մեջ 26 մասնագիտությունների գծով պահանջվել են 27,6 հազար որակյալ կադրեր¹⁹,

17 է. Տ. Կարապետյան, Օժիտը հայոց մեջ, Երևան, 1973, էջ 111:

18 Նույն տեղում, էջ 116:

19 Социалистический труд, М., 1985, № 4, с. 72.

այդ թվում ?—8 հազար որակյալ շինարարներ)։ Անշուշտ, այս բոլորը բացասաբար է ազդում տվյալ տնտեսական շրջանի արդյունաբերության զարգացման տեմպերի և աշխատանքի արտադրողականության բարձրացման վրա։

Աղյուսակ № 8

Աշխատուժի հոսունությունը ժողովրդական տնտեսության տարբեր բնագավառներից (%) -ով)

Արտադնության ամբիոնային կազմը	Արդյունաբերական ձեռնարկություն	Շինարարություն	Կենցաղային տնտեսություն	Դիմացություն	Կոնստրուկցիոն, ջրային	Ջրային էներգետիկական տնտեսություն	Սովետական կենտրոն	Ընդամենը
18—29	11	21	7	23	14	7	15	100
30—49	21	14	6	18	27	6	4	100
50 և ավելի բարձր	5	31	3	15	33	1	1	100
Ընդամենը	13	19	5	18	23	6	7	100

Արտադնացության բացասական ազդեցությունը մեծ է հատկապես ընտանիքի վրա։ Ընտանիքից արտադնացի երկարատև բացակայությունը հանգեցնում է մի շարք լուրջ հետևանքների՝ բարոյական նորմերի թուլացում և ապակոդմանորոշված վարքագիծ, ամուսնալուծություններ, ընտանիքի լքումներ, ամենատարբեր հիվանդությունների ձեռքբերում և այլն։ Դրանք հատկապես ցայտուն ձևով են դրսևորվում գյուղական այն բնակավայրերում, որոնք աչքի են ընկնում առավել բարձր արտադնացությամբ։ Արտադնացությունը բացասաբար է անդրադառնում նաև ընտանիքում երեխաների դաստիարակության և նրանց արժեքային կոմպոնորոշման վրա։ Այս բոլորով հանդերձ, արտադնացների ակտիվ և երկարաժամկետ միջանձային շփումները էթնիկական տարբեր խմբերի ներկայացուցիչների հետ որոշակի փոփոխություններ են առաջ բերում նրանց արժեքային կոմպոնորոշման և ավանդական վարքագծի մեջ, խորացնում ուսաց լեզվի իմացությունը, նպաստում ազգային խառը ամուսնությունների ընդլայնմանը։

Այսպիսով, ՀեՍՀ-ում արտադնացության՝ որպես բարդ սոցիալ-տնտեսական երևույթի հետագա կարգավորման և պլանավորման համար ոչ միայն զուտ տնտեսական գործոնների, այլև էթնիկական առանձնահատկությունների վերլուծության անհրաժեշտություն է դրացվում։ Այն ունի հարաբերական ինքնուրույնություն և կարող է այս կամ այն ձևով ազդել բնակչության զբաղվածության ու շարժունության, սոցիալ-մասնագիտական կազմի, ընտանիքի չափերի և կառուցվածքի, միգրացիայի ինտենսիվության վրա։

ОСНОВНЫЕ ФАКТОРЫ СЕЗОННОЙ МИГРАЦИИ В АРМССР (по материалам этносоциологического исследования)

М. В. ГАЛСТЯН

Резюме

Уже многие годы в АрмССР в больших масштабах сохраняется стабильная сезонная миграция. В этом процессе ежегодно участвуют приблизительно 25—30 тыс. человек.

Результаты этносоциологического исследования выявили ряд социально-экономических и этнических факторов, обуславливающих сезонную миграцию, как-то: возможность большего заработка (43%), отсутствие соответствующей работы на местах (30%), необходимость в больших затратах — на строительство дома, на свадьбу сына или приданое дочери (18%).

Ряд причин сезонной миграции имеет корни в традиционном поведении армян. Поэтому для дальнейшего урегулирования и планирования процесса сезонной миграции в АрмССР необходимо учитывать не только социально-экономический, но и этнический фактор.